

نسخه سی ۴۰ پاره در .

ابونه سی : بر ستهك اعتباريله ممالك
عنايه ايجون ۴۰ آلتی آیلغی ۲۵ غروش
ومالك اجنبیه ايجون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

جریة صوفیه

شیمدیلاک هفته ده بر نشر اولنور .

امور اداره و تحریریه و اعلانات و ساثره
ایچون مدیر مسئوله مراجعت ایدلایدر .

عرفای امتك مقالات متصوفانه لایته
جریده صوفیه نك صحیفه لری آچیتدر .
درج ایدلیان اوراق اتاده ایدلر .

تصوفی ، دینی ، اخلاقی ، سیاسی جریده اسلامیه در .

بونك ايچون دركه اسلامك غايه سى، مفكوره سى صوك نفسده بيله
ايمان در : لکن مبدأى ده بودر . حاصل ايمان فعاليت بشريه و حرکت
آدميه نك هدفى اولان كال و خير محضك نورصمدانيى در .

مابعدى وار - ۷ نيسان ۳۳۰ - چنكل كوى

معلم وحي

ياد ماضى

صوك بهارك الكلطيف كونلرندن برى اولان بر پنجشنبه كيجه سى
ليه مسعوده قدره معارف ايدى سنه لرجه متاعب يوميه نك زير
اضطرابنده قالمش اولان بو جسم زارم تحسست كونا كون ايله المناك
ايدى، وقت ظاهره طوغرى ابدست الدم بازىخانه مه كادم امام فخرالدين
رازينك اسرار التزويل ناميله موسوم اثر جليلندن كنه توحيدده دائر
اولان بحث لطيفى لسان عثمانى به نقل و ترجمه قوبولدم مشار اليك
تفسير كيرندن بشقه بوازنده حقايق قرآنيه و حكمت خاق و تكيونى
واسرار خلقتى و بشريتك عجزينى و انسانى مادمى و معنوى مساعيه
سائق اولان جهتلى الك زياده بواثر مهمنده بحث و ايضاح و تهذيب
و تنوير ذات و صفات ايچون انواع مباحثى بحث و ايراد ايلشدر .
قرآن كريم او حنف مقدسه فيض كريم سبجانيى اولمق اوزره
جناب حنك عبادينه شهراه مستقيمى كوسترمك ايچون كوندرديكى
شرايع و احكام موجب سعادت بشريه در . هر فصل بدى دستور
حكمت و ادب، نه لاهوتيه انشراح انسان او قودقه و معالى معانيى
ايه ايتلاف ايندكه انوار تجلياته مستغرق اولماق قابل اوله من
انسانيت انده فيض و كال و سعادت بولور. كلام الهى در، مقدسدر هادى
راذنجادر، سبل السلام در رسول اكرم افدمزه زمان زمان شرفنازل اولدقه
هر حقيقه حكمت مشحونه بلغاى عرب حيران اولديلر نبي امى رسول
تحتا افدمزه جبريل امين تبليغ احكام ايندكه حنف منزله مقدسه نى
بيت معظميه تعاقب اينديرر ايدى هر آيت بلاغت انجاسى احتوا
اينديكى احكام حكمت ييشواى فوز و سعادت اولدقنه شهب ايدن
اولزدى، قومك ضلالده اصرار ابدنلى راه مستقيمه كيرمديلر
نبي اكرم افدمزك مجادلانى حقيقه پيراي تاريخ اسلامدر الهى نبي
مقدسنى تبليغ احكام ايله مأمور و دين مابين اسلاميتى احكام منجيه سيله
تبليغ ايلدك قبول ايدنلر نائل سلامت و سعادت اولديلر، دائره اسلاميت
توسع ايندى، بو دينك علويتى كون كى آشكار اولدى بو دار انتقالده
رسول اكرم تأسيس احكام شريعت امرنده بك بيوك مشكلات
كورديلر قومندن ظهور ايدن اذالره تحمل اينديلر . بو امت ناجيه به
بر درس عبرت تشكيل ايدر. عاقبت فوز و نصرت جانب اسلاميته قالدى
احكام جليله دين مابين هر طرفى انواريله تابناك ايندى بو مشكاه

حقيقتدن احكام عادله ديانت لامع اولدقه بوسامره غبرا كونا كون
فيوض غير متاهيه الهيه مستغرق اولدى هانكى قلب صافى دركه
بونور عالم افروزدن اقتباس فيض و كال ايتكه ساعى اولسون دين
اسلاميت عالى در مقدسدر . متين در سهل الاجرادر انده عسرت
تصور اوله من قرآن كريمك احكام جليله سندن استنباط اولنان بوقدر
مسائل كتب فقهييه تشكيل ايدور هانكى حكمنده بر اعوجاج
وسقامت كوربايور . بوتون احكام فقهييه عقول سليمه نك بلا تردد
قبول اينديكى احكام فوز و رشاددر باعث امن و سلامتدر .

عالم اسلاميت اتساع بولدقه انواع علم و معرفده هر طرفده
منجلى اولدى اثار مدونه شواهد عادله دندر، قواعد علوم و فنون
تأسيس اولدى ترقيات متابعه بو اساسلردن الدى ارتحال پيغمبريدن
مكره خلفاى راشدين بو اثر عالى به اتباع ايدرك نشر عدالت اينديلر
رسول مختبانك تعيين اينديكى مناهج حقيقتدن و احكام شريعتدن
سرموانحراف اينديلر طرف طرف توسيع دائره اسلاميت ايله بو دين
مينك احكام نجات بخشاسيله كائناتى تنويره شتاب ايلديلر. حضرت ابابكر
يار غار رسول ذیشانك غريمات كرامى مشهوردر. حضرت عمر و عثمان
وعلى رضوان الله تعالى عليهم حضراتى ده بو اثر كريمه اتباع اينديلر
ساحه اسلاميت عدالت و حقانيت ايله طولدى اطراف و نواحى فتوح
عظيمه ايله داخل حوزه اسلاميت اولدى، بو احوال بوتون اسلاميتك
مأثر علويه سنه دلالت ايدن مفاخر عظيمه دندر. بر زمانلر بغداد اوشهر
دلارا او دارالسلام مركز انتشار فيض و معرفت وائمه مجتهدينه
مقر اوله رق فيوض و كالات ايله غبطه رسان كائنات ايدى، مدارس
و مجالس علما طرف طرف نشر انوار فضائل و محاسن ايدردي
هارون الرشيد او خليفه عادل و كزين زمان خلافتده علم و معرفته
فوق العاده انهماك كوستره رك و هر طرفده انتشار ايدن اثار فنونه
و حكيماني كسوه لسان عربيه صوفى قق اقتباس مأثر عرفان و حكمت
ايلدى هر كيجه مجلس فيضا فيض تشكيل و كندوسى بو مجالسه رياست
ايدرك بوتون علوم و معرفتى و سلسيل ماء الحياه كالانى اوشهر عظيمه
و بوتون خطه عراقيه اساله ايندى نجه علما و فضلا ساحه زيب
ظهور اوله رق افكار حكمت و سياست ايله فيوض متنوعيه مركز
جولان اولدى و اسفاكه هلا كونك اوشهر جسيمى خطه عراقيه نى
استيلاسى دها طوغريسي او خلفانك ييلرنده عارض اولان نفاق
الجاهليه حكمت حكومتى فراموش ايدرك و انواع حضوره طاله رق
قيدر لقلرى نتيجه سيله بوتون او منبع فيوض معرفت بر زمان امام
غزالى كى بر تحرير عظيمك مركز تدريسى اولان مدرسه
نظاميه بيله رهين اندراس اولمش و ارتقى اثار معرفتدن بز شى
قالمش ايدى .

خالص